



COLÁISTE AILIGH

**CNOC na MÓNA, LEITIR CEANAINN,
CO DHÚN na nGALL F92 N2HE**

**POLASAÍ IONTRÁLA MAIDIR LEIS AN
SCOILBHLIAIN 2025/2026**

IAR-BHUNSCOIL COLÁISTE AILIGH

Bunófar iarratas ar chead iontrála ar chur i bhfeidhm an Pholasaí seo, ar an eolas atá leagtha amach i bhFógra Iontrála bliantúil na scoile agus ar an eolas a chuireann an t-iarratasóir ar fáil ina iarratas iontrála, nuair a bheidh sé faighte roimh an dáta deiridh a n-glacfar le hiarratais mar atá leagtha amach sa bhFógra Iontrála. Is é Príomhoide Choláiste Ailigh atá freagrach as an Pholasaí Iontrála seo a chur i bhfeidhm.

MAIDIR LE COLÁISTE AILIGH

Cuireann an Coláiste, i gcomhpháirnéireacht leis an phobal uilig, oideachas d'ard chaighdeán ar fáil trí mheán na Gaeilge do mhuintir Leitir Ceanainn agus na ceantair máguaird. Cuireann sí roimpi meas don chultúr ghaelach a chothú i bpobal na scoile agus creideann sí sa chothromaíocht, i luach an duine agus i spiorad an náisiúin. Cuireann sí roimpi dea thréithe pearsantacht, spioradáltacht, moráltacht agus sibhialtacht an duine a fhorbairt agus a spreagadh.

Osclaíodh Coláiste Ailigh i Meán Fómhair 2000 i dTeach Sprackburn i Leitir Ceanainn, agus ba é an tríú scoil lán-Ghaeilge de chuid ETB Dhún na nGall é. Freastalaíonn an scoil, ní hamháin ar dhaltaí ó cheantar Leitir Ceanainn, ach fosta tá daltaí ar an rolla ó Fhánaid, ó Charraig Airt, ó na Dúnaibh, ón Chraoslach, ón Tearmann agus ó na Rosa. Tá 322 scoláire ag freastal ar an scoil faoi láthair.

I mí na Samhna 2013 ghlac an scoil céim ollmhór chun tosaigh ar thuras Choláiste Ailigh nuair a bhog siad isteach i bhfoirgneamh úr scoile i gCnoc na Móna, an chéad scoil faoi chúram ETB Dhún na nGall a tógadh faoin scéim Comhpháirtíocht Phríobháideach Phoiblí. An Taoiseach, Enda Kenny TD a d'oscail an scoil go hoifigiúil sa bhliain 2014.

Freastalaíonn Coláiste Ailigh ar riachtanais an phobail áitiúil tríd an réimse seo a leanas de chláir a chur ar fáil trí mheán na Gaeilge:

Teastas Sóisearach, Idirbhliain, Gairmchlár na hArdteistiméireachta agus Ardteistiméireacht.

Tá clú agus cáil bainte amach ag Coláiste Ailigh, ní hamháin sa saol acadúil, ach i réimse seach-churaclaim le duaiseanna bainte ag ár ndaltaí ar bhonn náisiúnta in eolaíocht ag Eolaí Óg, i gceol ag Scléip Gael Linn agus i spórt i gcispheil na ngasúr agus na gcailíní, i sacar na gcailíní agus sa chúige i bpeil ghaelach, arís idir ghasúraí agus ghirseacha. Ina theannta sin, tugtar deis dár ndaltaí páirt a ghlacadh i réimse leathan spóirt – snámh, lúthchleasaíocht, tras tíre agus rugbaí chomh maith leis na spóirt thuasluaite, agus bíonn muid páirteach i gcomórtais a leithéid Abair, Barúil, Poetry Aloud agus comórtais ealaíonta sa chontae agus sa tír le heagraíochtaí cosúil le Jigsaw, Texaco agus Junk Kouture.

CLÁR NA nÁBHAR

CUID A – Eolas Ginearálta do gach Iarratasóir

1. Gluais Téarmaí
2. Ráiteas Iontrála
3. Creat Dlí
4. Coinníollacha Ginearálta Iontrála

CUID B - Eolas do Chatagóirí ar leith d'Iarratasóirí

5. Iarratas a dhéanamh ar Ghrúpa na Chéad Bhliana
6. Iarratas a dhéanamh ar na Bliainghrúpaí Eile go Léir Seachas an Chéad Bhliain.

CUID A

Eolas Ginearálta do Gach Iarratasóir

- 1. Gluais Téarmaí***
- 2. Ráiteas Iontrála***
- 3. Creat Dlí***
- 4. Coinníollacha Ginearálta Iontrála (do gach Iarratasóir)***

1 GLUAIS TÉARMAÍ

Is éard is brí le h'**Iarratasóir**' ná tuismitheoir/caomhnóir Dalta, nó, i gcás Dalta a bhfuil 18 bliana sroichte aige/aici, an Dalta féin, a bhfuil iarratas iontrála déanta aige/aici ar Choláiste Ailigh.

Is éard is brí le '**Dalta**' an duine a bhfuil iarratas á dhéanamh thar a c(h)eann. Tugtar le fios gur dalta 'ionchasach' atá i gceist leis an fhocal sin agus an focal sin in úsáid síos tríd an Polasaí seo mar chuid den léirmhíniú. Is é sin, ní chiallaíonn úsáid an fhocail 'Dalta' go ndéanann iarratas nó glacadh le tairiscint dhalta de Choláiste Ailigh; ní bhreathnaítear ar dhuine mar dhalta de Choláiste Ailigh ach amháin nuair a bheidh sé/sí cláraithe ar a c(h)uid lá freastail. Ní chuimsíonn sé duine a bhí cláraithe sa scoil roimhe seo agus a bhí eisiata go buan ón scoil, nó a d'fhág an scoil tar éis don Bhord Bainistíochta é a mholadh lena dhíbirt.

Ciallaíonn '**cláraithe**' freastal ar an scoil mar mhac léinn cláraithe, de réir alt 20(2) den Acht Oideachais (Leas) 2000.

'**Inscne**', i gcomhréir leis an sainmhíniú maidir leis "*an bhforas inscne*" san Acht um Stádas Comhionann 2000 "*gur fear é duine acu agus gur bean í an duine eile*". Ní dhéanann seo dochar d'aon Dalta atá idirghnéasach nó a aithníonn iad féin a bheith Andraigíneach/Andraigin, Dé-inscneach, Leathinscneach, Solúbtha ó thaobh Inscne de, Aiteach ó thaobh Inscne de, Ilinscneach, Neutrois, Neamh-Dhénártha, Trasinscne, Trasghnéasach nó eile.

Tá an bhrí chéanna le 'Tuismitheoir' is atá san Acht Oideachais 1998 agus áirítear leis sin tuismitheoir altrama agus caomhnóir arna gceapadh faoi na hAchtanna um Chaomhnóireacht Leanaí 1964 go 1997.

Tagraíonn '**Bunscoileanna Friothálacha**' do na bunscoileanna is rogha chun iarratas a dhéanamh ar Choláiste Ailigh. Is iad na bunscoileanna Friothálacha maidir le Coláiste Ailigh ná:

- 1.1. Gaelscoil Adhamhnáin, Gleann Cearra, Leitir Ceanainn
- 1.2. Scoileanna i nDún na nGall atá:
 - 1.2.1 ag feidhmiú trí mheán na Gaeilge
 - 1.2.2 ag feidhmiú faoin Scéim Aitheantais Scoileanna Gaeltachta
 - 1.2.3 lonnaithe sa Ghaeltacht

Chun críche an chritéir roghnúcháin maidir le dalta ar fhreastail siblín leis/léi ar an scoil cheana, tagraíonn '**Siblín**' do lánshiblí, leathshiblí, siblí altrama agus leas-shiblí.

Chun críche an chritéir roghnúcháin maidir le dalta a bhfuil siblín leis/léi ar rolla na scoile faoi láthair, tagraíonn '**Siblín**' do lánshiblí, leathshiblí, siblí altrama agus leas-shiblí agus siblí a bhfuil cónaí orthu sa teaghlach céanna.

(**Tabhair ar Aird:** is ar mhaithe le taghlaigh a mbíonn orthu níos mó ná turas amháin a dhéanamh chuig an scoil agus/nó ón scoil a éascú atá an dara sáinmhíniú níos leithne sa dara halt den dá alt atá tugtha díreach thuas.)

Is éard is brí leis an '**Chéad Bhliain**' an grúpa Daltaí a nglactar leo don rang nó an bhliain is sóisearaí sa scoil.

2 RÁITEAS IONTRÁLA

Sainmhíniú ar 'Scoil Il-Sainchreidmheach' i gcomhthéacs BOO.

Is scoileanna stáit, comhoideachais, il-sainchreidmheacha iad scoileanna BOO a bhfuil na croíluachanna seo a leanas mar bhonn agus mar thaca acu:

- Barr Feabhais san Oideachas;
- Cúram;
- Comhionannas;
- Pobal agus
- Meas.

Is mar seo a leanas a dhéanann earnáil na mBOOanna, mar sholáthróir oideachais an stáit, scoil 'il-sainchreidmheach' a shainmhíniú:

Tugtar an deis chéanna do gach dalta rollú i scoileanna BOO i gcomhréir leis an Acht Oideachais (Ligean isteach i Scoileanna), 2018. Nuair atá daltaí ar an rolla, féachtar inár gcuid scoileanna leis na deiseanna céanna a chur ar fáil do gach dalta a bheith rannpháirteach sa churaclam agus i saol na scoile. Caitear go cothrom le gach duine de phobal na scoile i ngach gné de shaol na scoile gan beann ar chine, inscne, reiligiún/creideamh, aois, stádas teaghlaigh, stádas sibhialta, ar duine den Lucht Siúil iad, claonadh gnéis, cumas nó stádas socheacnamaíoch.

Cuirtear timpeallacht shlán fhisiciúil agus shóisialta ar fáil inár gcuid scoileanna a chothaíonn ceangal láidir i measc phobal na scoile agus an pobal i gcoitinne. Féachann gach scoil cur ar chumas gach dalta barr a gcumais a bhaint amach gan beann ar fhéiniúlacht nó cúlra. Cuirtear oideachas lán-ionchuimsithe chun cinn inár gcuid scoileanna ina n-aithnítear an iliomad féiniúlachtaí, creideamh agus luachanna daltaí, tuismitheoirí agus bhaill den fhoireann. Ullmhaímid saoránaigh atá leathanaigeanta, a bhfuil tuiscint acu ar chultúr, atá freagrach agus a bhfuil meas acu ar chomhluachanna.

Caitear mar a chéile le daltaí de gach reiligiún agus creideamh i scoileanna BOO. Ní thugtar buntáiste d'aon ghrúpa ar leith seachas grúpa eile i dtimpeallacht ná i ngníomhaíochtaí scoile agus tugtar aitheantas ag an am céanna do dhaltaí de gach reiligiún agus creideamh agus éascaítear iad.

Dá réir sin, ní dhéanfaidh Coláiste Ailigh aon leithcheal maidir le Dalta a ligean isteach bunaithe ar na forais a leanas:

- 2.1. Inscne an Dalta nó an Iarratasóra. Sa chás nach nglacann scoil ach le hinscne amháin áfach, ní leithcheal é mura nglacann an scoil sin le Daltaí nach mbaineann leis an inscne sin;
- 2.2. Stádas sibhialta an Dalta nó Iarratasóra.
- 2.3. Stádas teaghlaigh an Dalta nó Iarratasóra.
- 2.4. Claonadh gnéis an Dalta nó Iarratasóra.
- 2.5. Reiligiún an Dalta nó Iarratasóra.
- 2.6. Míchumas an Dalta nó Iarratasóra.
- 2.7. Cine an Dalta nó Iarratasóra.
- 2.8. Gur duine den Lucht Siúil an Dalta nó an tIarratasóir.

Ní ghearrfaidh Coláiste Ailigh táillí ná íocaíochtaí ná ní bheidh an scoil ag lorg ranníocaíochtaí mar choinníoll iontrála ná i ndáil le rollú leanúnach an Dalta.

3 CREAT DLÍ

Bunaíodh Bord Oideachais agus Oiliúna Dhún na nGall faoin Acht um Boird Oideachais agus Oiliúna 2013 ina leagtar amach feidhmeanna gach BOO, lena n-áirítear scoileanna aitheanta, ionaid oideachais, agus saoráidí oideachais agus oiliúna a bhunú agus a choinneáil i limistéar feidhme gach BOO.

Coiste a bunaíodh faoi alt 44 den Acht um Boird Oideachais agus Oiliúna 2013 is é bord bainistíochta Choláiste Ailigh agus is ionann sin chomh maith agus bord bainistíochta de réir bhrí an Achta Oideachais 1998.

Leagann an tAcht Oideachais (Ligean isteach i Scoileanna), 2018 agus an tAcht Oideachais (Leas) 2000 dualgas ar scoileanna Polasaí Iontrála a ullmhú agus a fhoilsiú.

Déantar foráil san Acht Oideachais 1998 do phróiseas achomhairc sa chás go ndiúltaítear a admháil. Leagtar amach an próiseas achomhairc in alt 5.3 maidir le hiarratais a dhéantar ar Ghrúpa na Céad Bhliana agus in alt 6.3 maidir le hiarratais a dhéantar ar gach bliain seachas ar Ghrúpa na Céad Bhliana.

Éilítear in Alt 62(7)(n) den Acht Oideachais 1998 ar gach scoil na socrúithe atá i bhfeidhm sa chás go ndéanann tuismitheoir, nó dalta atá os cionn 18 bliana d'aois, iarratas gan a bheith páirteach i dtreoir reiligiúnach a leagan amach i bPolasaí Iontrála na scoile.

Cuireann Coláiste Ailigh oideachas reiligiúnach ar fáil do dhaltaí na chéad bhliana agus do dhaltaí na dara bliana. Ach má dhéantar iarratas gan a bheith páirteach i gcúrsa Oideachas Reiligiúnach an NCCA, ní mór don Tuismitheoir/Dalta os cionn 18 iarratas a dhéanamh i scríbhinn chuig an Phríomhoide ar an chéad ásc. Ní mór cur síos a dhéanamh san iarratas ar na cúiseanna nach bhfuil sé/sí ag iarraidh a bheith páirteach. Socróidh an Príomhoide cruinniú chun an t-iarratas a phlé. Sa chás go bhfuil an tuismitheoir/dalta ós cionn 18 fós ag iarraidh gan a bheith páirteach san ábhar, éascóidh an scoil é sin. Tabhair ar aird le do thoil, de réir a.62(7)(n) den Acht Oideachais, ní fhéadfar an lá scoile a ghiorrú don dalta ós rud é nach bhfuil siad ag

glacadh páirt i dtreoir reiligiúnach.

Comhoibreoidh Coláiste Ailigh leis an Chomhairle Náisiúnta um Oideachas Speisialta i gcomhlíonadh feidhmeanna na Comhairle faoin Acht um Oideachas do Dhaoine a bhfuil Riachtanais Speisialta Oideachais acu 2004 maidir le soláthar oideachais do leanaí a bhfuil riachtanais speisialta oideachais acu, lena n-áirítear soláthar agus feidhmiú rang nó ranganna speisialta nuair a iarrann an Chomhairle a leithéid.

Comhlíonfaidh Coláiste Ailigh le haon ordúchán a sheirbheálfar ar an bpátrún nó ar an mbord, de réir mar is ábhartha, faoi alt 37A agus le haon ordúchán a sheirbheálfar ar an mbord faoi alt 67(4)(b) den Acht Oideachais.

4 COINNÍOLLACHA GINEARÁLTA IONTRÁLA

Bunófar cinneadh ar iarratas ar iontráil:

- ar chur i bhfeidhm an Pholasaí Iontrála seo,
- ar Fhógra Iontrála bliantúil na scoile, agus
- ar an eolas a chuireann an t-iarratasóir ar fáil san iarratas ar iontráil.

Más amhlaidh, roimh thosach feidhme alt 62 den Acht Oideachais 1998 leis an Acht Oideachais (Ligean isteach i Scoileanna) 2018 an 1 Feabhra 2020, gur dheimhnigh Coláiste Ailigh, i scríbhinn, gur cuireadh Iarratasóir ar liosta maidir le leithdháileadh áiteanna scoile le haghaidh iontrála roimh an 1 Feabhra 2025, ansin beidh an deimhniú seo fós bailí agus tairgfear an áit sin don Iarratasóir.

Agus iarratas á phróiseáil, **ní chuirfidh Coláiste Ailigh na nithe seo a leanas san áireamh:**

- 4.1 Íocaíocht táillí nó ranníocaíochtaí leis an scoil;
- 4.2 Cumas acadúil, scileanna nó inniúlacht an Dalta; ach amháin más rud é go soláthraíonn an tIarratasóir fianaise ar an mhéid sin mar fhianaise ar leibhéal líofachta an Dalta sa Ghaeilge agus go bhfuil ró-iarratas ar an scoil;
- 4.3 Slí bheatha, stádas airgeadais, cumas acadúil, scileanna nó inniúlacht Tuismitheoir(i) Dalta;
- 4.4 Riachtanas go bhfreastalódh Dalta nó a T(h)uismitheoir(i) ar agallamh, lá oscailte nó cruinniú eile mar choinníoll iontrála;
- 4.5 An nasc atá ag Dalta leis an scoil toisc ball teaghlaigh a bheith aige/aici atá ag freastal nó a d'fhreastail roimhe sin ar an scoil ach amháin má bhaineann an nasc le siblín de chuid an Dalta atá ag freastal, nó a

d'fhreastail, ar an scoil, nó le tuismitheoir nó seantuismitheoir a d'fhreastail ar an scoil. Ní líonfar níos mó ná 25% de na háiteanna atá ar fáil, de réir mar a leagtar amach i bhFógra Iontrála na scoile don bhliain acadúil sin, leis an chritéar seo, áfach.

- 4.6 An dáta agus an t-am a fuair an scoil iarratas iontrála fad is a fhaightear é le linn na tréimhse a shonraítear chun iarratais a fháil a leagtar amach san Fhógra Iontrála don bhliain acadúil sin.

Déanfaidh Coláiste Ailigh tairiscint ar áit **a bhreithniú** maidir le gach Dalta atá ag lorg iontrála sa scoil, **ach amháin i gcás seo a leanas:**

- 4.7 Cliseann ar an Tuismitheoir a dheimhniú i scríbhinn go nglacann sé/sí le Cód Iompair na nDaltaí agus go ndéanfaidh sé/sí gach iarracht réasúnta lena chinntiú go gcloífidh an Dalta leis an chód sin;

Sa chás go gcuireann Coláiste Ailigh iarratas san áireamh, gheobhaidh gach Dalta áit, ach amháin sa chás go bhfuil ró-iarratas ar an scoil, agus sa chás sin, cuirfear critéir roghnúcháin i bhfeidhm ar gach iarratas.

Déantar plé in Alt 5 den Pholasaí seo ar na critéir roghnúcháin agus ceisteanna eile maidir leis na coinníollacha iontrála do Ghrúpa na Chéad Bhliana.

Déantar plé in Alt 6 den Pholasaí seo ar na critéir roghnúcháin agus ceisteanna eile maidir leis na coinníollacha iontrála do na bliainghrúpaí uile seachas an Chéad Bhliain.

CUID B

Eolas do Chatagóirí Iarratasóirí ar Leith

- 5. Iarratas ar Ghrúpa na Chéad Bhliana***
- 6. Iarratas ar na Bliainghrúpaí uile seachas an Chéad Bhliain***

ALT 5

IARRATAS AR GHRÚPA NA CHÉAD BHLIANA

5 IARRATAS AR GHRÚPA NA CHÉAD BHLIANA

5.1 Coinníollacha Iontrála (Grúpa na Chéad Bhliana)

- 5.1.1. Ró-iarratas
- 5.1.2. Critéir roghnúcháin in ord tosaíochta
- 5.1.3. Próiseas roghnúcháin
- 5.1.4. Iarratais dhéanacha
- 5.1.5. Tairiscintí ar áit sa dara/tríú babhta
- 5.1.6. Glacadh le háit
- 5.1.7. Diúltú
- 5.1.8. Tairiscint a tharraingt siar
- 5.1.9. Achomhairc

5.2 Achomhairc

- 5.2.1. Achomharc sa chás gur bhain an diúltú le ró-iarratas
- 5.2.2. Achomharc sa chás gur bhain an diúltú le cúis eile seachas ró-iarratas
- 5.2.3. Bunús le haghaidh athbhreithnith ag an bhord bainistíochta

5.1 COINNÍOLLACHA IONTRÁLA (GRÚPA NA CHÉAD BHLIANA)

Sa chás nach bhfuil ró-iarratas ar Coláiste Ailigh tairgfear áit sa scoil do gach Dalta, faoi réir ailt 4.7.

5.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 5.1.2 iad thíos agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Coláiste Ailigh in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

5.1.2 Critéir roghnúcháin in ord tosaíochta

Cuirfidh Coláiste Ailigh na critéir seo a leanas i bhfeidhm do Ghrúpa na Chéad Bhliana:

5.1.2.1 Cé acu atá an Dalta tráth an iarratais, ag freastal ar Bhunscoil Fhriothálach 1.1 agus tá sé/sí cláraithe ansin le bliain acadúil amháin ar a laghad;

5.1.2.2 Cé acu atá an Dalta tráth an iarratais, ag freastal ar Bhunscoil Fhriothálach 1.2 agus tá sé/sí cláraithe ansin le bliain acadúil amháin ar a laghad;

5.1.2.3 Ma tá siblíní leis an Dalta cláraithe sa scoil faoi láthair;

5.1.2.4 Má bhí siblíní leis an Dalta cláraithe sa scoil roimhe seo;

5.1.2.5 Más ball d'fhoireann na scoile é tuismitheoir/caomhnóir an Dalta;

5.1.2.6 Má d'fhreastail tuismitheoir nó seantuismitheoir leis an Dalta ar an scoil (go huasmhéid 25% de na háiteanna atá ar fáil);

5.1.3 Próiseas roghnúcháin

Cuirfidh Coláiste Ailigh an próiseas roghnúcháin i bhfeidhm mar seo a leanas:

Déantar iarratais a mheas de réir na gcritéar roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéar. Ina dhiaidh sin, sa chás go mbíonn áiteanna fós ar fáil sa scoil, déantar na hIarratasóirí atá fanta a mheas i bhfianaise an dara critéar agus tairgfear áit do na hIarratasóirí a shásaíonn an critéar seo. Leantar ar aghaidh leis an phróiseas seo i gcoinne na gcritéar roghnúcháin go léir go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó ná sin cothrom le chéile sa phróiseas roghnúcháin thuasluaite, cuirfidh Coláiste Ailigh crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

5.1.4 Iarratais dhéanacha

Meastar gur iarratas déanach é iarratas a fhaigheann Coláiste Ailigh i ndiaidh an dáta deiridh a d'fhoilsigh an scoil agus a bhí leagtha amach san Fhógra Iontrála, chun críocha an Pholasaí Iontrála seo.

Sa chás go mbíonn ró-iarratas ar Choláiste Ailigh agus go bhfaigheann sé iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarratais, is cuma aon chritéir roghnúcháin a d'fhéadfaí a chur i bhfeidhm maidir le hiarratais a fuarthas roimh an spriocdháta d'iarratais. Cuirfear iarratais dhéanacha dá leithéid sin ar an liosta feithimh de réir an dáta agus an ama a fuair an scoil iad agus ina dhiaidh sin, cuirfear critéir roghnúcháin na scoile i bhfeidhm de réir ailt 4.7. Chun mearbhall a sheachaint, ní bhaineann critéir roghnúcháin le hiarratais dhéanacha,

agus ní chuirfear i bhfeidhm iad.

Sa chás nach bhfuil ró-iarratas ar Choláiste Ailigh, .i. nach bhfuil liosta feithimh ann, Nach bhfuil liosta feithimh ann, agus go bhfaigheann sí iarratas déanach, tairgfear áit sa scoil don Dalta atá ag lorg iontrála, faoi réir ailt 4.7, agus baineann an próiseas céanna le hIarratasóirí a bhfuarthas a n-iarratais roimh an dáta deiridh, .i. eiseofar Foirm Ghlaetha chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

5.1.5 Tairiscintí ar áit sa dara/tríú babhta

Sa chás go mbíonn tairiscint ar áit i gColáiste Ailigh ag Dalta ach nach nglacann sé/sí léi, nó go dtarraingíonn an scoil siar í de réir choinníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *etc.* go dtí go líontar gach áit sa scoil.

5.1.6 Glacadh le háit

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghlaetha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghlaetha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghlaetha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

5.1.7 Diúltú

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfear an méid seo a leanas ar fáil don Iarratasóir i scríbhinn:

- 5.1.7.1. Na cúiseanna nár tairgeadh áit i gColáiste Ailigh don Dalta;
- 5.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an bhliainghrúpa ar a bhfuil an tIarratasóir ag déanamh iarratais;
- 5.1.7.3. Sonraí faoi áit an Dalta ar an liosta feithimh, más bainteach; agus
- 5.1.7.4. Sonraí faoin cheart atá ag an Iarratasóir achomharc a dhéanamh faoin chinneadh.

Chomh maith leis na coinníollacha maidir le hiarratas a mheas mar a leagtar amach i 4.7, ní féidir tairiscint iontrála a dhéanamh sa chás:

- 5.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

5.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 5.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 5.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 5.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú

tairisceana ó scoil(eanna) eile, agus más amhlaidh atá, sonraí na scoile(anna);

agus

- (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit don bhliain acadúil sin (agus ní chuirfear an liosta feithim é/i). Má tá áit fós ag teastáil ón Iarratasóir don bhliain acadúil sin, ní mór iarratas nua a dhéantar ar son an Dalta sin don bhliain acadúil chéanna agus mar iarratais dhéanacha de réir alt 5.1.4 thuas.

5.1.9 **Achomhairc**

Féach alt 5.2 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Choláiste Ailigh maidir le hiontráil i nGrúpa na Chéad Bhliana.

5.2. ACHOMHAIRC

5.2.1 Achomharc sa chás gur bhain an diúltú le ró-iarratas

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a iarraidh i dtosach go ndéanann an bord bainistíochta athbhreithniú i scríbhinn, trí 'Foirm BOMR1', atá ar fáil ó oifig na scoile agus ar láithreán gréasáin na scoile, chun go ndéanfadh bord bainistíochta Coláiste Ailigh athbhreithniú uirthi. Ní mór don Iarratasóir an t-athbhreithniú sin a lorg laistigh d'fhiche a haon lá féilire ó chinneadh na scoile diúltú dá (h)iontráil sa scoil. Má shonraíonn an tAire Oideachais tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin. Ba cheart Foirmeacha líonta BOMR1 a sheoladh chuig oifig na scoile nó ar líne trí ríomhphost a sheoladh colaisteailigh@donegaletb.ie.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an gcinneadh chun diúltú d'iontráil, féadfaidh an tIarratasóir achomharc a dhéanamh os comhair coiste achomhairc a bhunaigh an tAire Oideachais agus Scileanna faoi alt 29A den Acht Oideachais 1998. Caithfear achomhairc a dhéanamh i scríbhinn ar 'Foirm Achomhairc Alt 29' agus caithfear iad a sheoladh chuig Aonad Riaracháin Achomhairc Alt 29 sa Roinn Oideachais. Is féidir 'Foirm Achomhairc Alt 29' a íoslódáil ó láithreán gréasáin na Roinne nó is féidir é a fháil go díreach ón Aonad Riaracháin Achomhairc Alt 29 sa Roinn Oideachais. Tá sonraí teagmhála don Aonad ar fáil ar láithreán gréasáin na Roinne. De réir *'Nósanna Imeachta éisteachta agus cinnidh achomharc faoi alt 29'*, ní féidir achomharc den saghas sin a dhéanamh go dtí go bhfuil comhfhreagras faighte ag an Iarratasóir ón mbord bainistíochta maidir leis an athbhreithniú, nó go dtí go bhfuil 42 lá féilire éagtha ón dáta a rinneadh an diúltú tosaigh agus ní féidir achomharc a dhéanamh níos déanaí ná 63 lá féilire i ndiaidh an chinnidh tosaigh chun cead isteach a dhiúltú.

5.2.2 Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i gColáiste Ailigh dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a iarraidh go ndéanfaidh an bord bainistíochta athbhreithniú i dtosach, trí ‘Foirm BOMR1’, atá ar fáil ó oifig na scoile nó ar láithreán gréasáin na scoile, a chomhlánú chun go ndéanfaidh bord bainistíochta Coláiste Ailigh athbhreithniú uirthi. Ní mór don Iarratasóir an t-athbhreithniú sin a dhéanamh laistigh d’fhiche a haon lá féilire ó chinneadh na scoile diúltú dá (h)iontráil sa scoil. Má shonraíonn an tAire Oideachais tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin. Ba cheart Foirmeacha líonta BOMR1 a sheoladh chuig oifig na scoile nó ar líne trí ríomhphost a sheoladh chuig colaisteailigh@donegaletb.ie. (Is féidir le hiarratasóir iarraidh ar athbhreithniú a aistarraingt ag aon tráth sula dtabharfar an t-athbhreithniú chun críche tríd é sin a chur in iúl don bhord bainistíochta i scríbhinn.)

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi acht 29A den Acht Oideachais 1998. Caithfear achomhairc a dhéanamh i scríbhinn ar ‘Foirm Achomhairc Alt 29’ agus caithfear iad a sheoladh chuig Aonad Riaracháin Achomhairc Alt 29 sa Roinn Oideachais. Is féidir ‘Foirm Achomhairc Alt 29’ a íoslódáil ó láithreán gréasáin na Roinne nó is féidir é a fháil go díreach ón Aonad Riaracháin Achomhairc Alt 29 sa Roinn Oideachais. Tá sonraí teagmhála don Aonad ar fáil ar láithreán gréasáin na Roinne. De réir *‘Nósanna Imeachta éisteachta agus cinnidh achomharc faoi alt 29’*, ní féidir achomharc den saghas sin a dhéanamh níos déanaí ná 63 lá féilire i ndiaidh an chinnidh thosaigh chun cead isteach a dhiúltú.

Mura mbíonn Iarratasóir a lorgaíonn go ndéanann an bord bainistíochta athbhreithniú, sásta le cinneadh an bhoird bainistíochta, féadfaidh an tIarratasóir sin iarratas a dhéanamh chun achomharc a dhéanamh os comhair coiste achomhairc a bhunaigh an tAire Oideachais faoi alt 29A den Acht Oideachais 1998 freisin, faoi mar a dtugtar cuntas air san alt deireanach.

5.2.3 Bunús le haghaidh athbhreithnithe ag an bhord bainistíochta:

Faoi mar a éilítear in alt 29C(2) den Acht Oideachais 1998, ní mór aon iarraidh go ndéanann an bord bainistíochta athbhreithniú ar chinneadh a rinne an scoil chun cead isteach a dhiúltúbheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar athbhreithniú ar an gcinneadh amach ann.

ALT 6

IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

6 IARRATAS AR NA BLIAINGHRÚPAÍ UILE SEACHAS AN CHÉAD BHLIAIN

6.1 Coinníollacha Iontrála (seachas an Chéad Bhliain)

- 6.1.1. Ró-iarratas
- 6.1.2. Critéir roghnúcháin in ord tosaíochta
- 6.1.3. Próiseas roghnúcháin
- 6.1.4. Iarratais dhéanacha
- 6.1.5. Tairiscintí ar áit sa dara/tríú babhta
- 6.1.6. Glacadh le háit
- 6.1.7. Diúltú
- 6.1.8. Tairiscint a tharraingt siar
- 6.1.9. Achomhairc

6.2 Achomhairc

- 6.2.1 Achomharc sa chás gur bhain an diúltú le ró-iarratas
- 6.2.2 Achomharc sa chás gur bhain an diúltú le cúis eile seachas ró-iarratas
- 6.2.3 Bunús le haghaidh athbhreithnithe ag an bhord bainistíochta

6.1 COINNÍOLLACHA IONTRÁLA (SEACHAS AN CHÉAD BHLIAIN)

Sa chás nach bhfuil ró-iarratas ar Choláiste Ailigh, tairgfear áit sa scoil do gach Dalta, faoi réir ailt 4.7.

6.1.1 Ró-Iarratas

Nuair a sháraíonn líon na n-iarratas líon na n-áiteanna atá ar fáil, beidh feidhm ag na critéir roghnúcháin atá foilsithe mar a leagtar amach in alt 6.1.2 thíos iad, agus cruthófar liosta feithimh nach mbeidh bailí ach don scoilbhliain lena mbaineann na hiarratais. Sa chás go mbíonn Coláiste Ailigh in ann áiteanna breise sa scoil a thairiscint, a thagann chun cinn sa bhliain acadúil agus le linn na bliana acadúla sin, tairgfear áiteanna de réir an oird tosaíochta inar cuireadh Daltaí ar an liosta feithimh.

Chun nach mbeidh aon amhras ann, mura bhfaigheann Dalta áit sa scoil do bhliain acadúil ar leith, ach go bhfuil sé/sí ag iarraidh go gcuirfí san áireamh é/í le haghaidh iontrála sa bhliainghrúpa céanna an chéad bhliain acadúil eile, ní mór iarratas nua a chur isteach thar ceann an Dalta sin le linn na ndátaí a shonraíonn an scoil a bheith ar an tréimhse a mbeidh sí ag glacadh le hiarratais ar na bliainghrúpaí eile uile seachas an Chéad Bhliain.

Sa chás go mbíonn ró-iarratas ar an scoil, ní chuirfear aon chritéir roghnúcháin nach n-áirítear san Fhógra Iontrála seo san áireamh agus cinneadh á dhéanamh cibé an bhfuil nó nach bhfuil Dalta á ligean isteach sa scoil.

Má tá Clár na hIdirbhliana i gColáiste Ailigh ró-shuibscríofa beidh Mac Léinn a dhéanann iarratas ar iontráil chuig clár dá leithéid faoi réir ag an pholasáí seo agus, dá réir, cuirfear an té sin ar an liosta feithimh chuí a bhíonn tiomsaithe cheana féin (go bliantúil) ag an scoil, arb é sin an liosta ina mbeidh ainmneacha na mac léinn atá cláraithe sa scoil agus atá curtha ar liosta feithimh inmheánaigh don chlár seo.

6.1.2 Critéir roghnúcháin in ord tosaíochta

Cuirfidh Coláiste Ailigh na critéir seo a leanas i bhfeidhm do bhliainghrúpa seachas do Ghrúpa na Chéad Bhliana:

- 6.1.2.1 Más rud é gur fhreastail an Dalta ar bhunscoil fhriothálach 1.1
- 6.1.2.2 Más rud é gur fhreastail an Dalta ar bhunscoil fhriothálach 1.2;
- 6.1.2.3 Má tá siblíní leis an Dalta cláraithe sa scoil faoi láthair
- 6.1.2.4 Má bhí siblíní leis an Dalta cláraithe sa scoil roimhe seo;
- 6.1.2.5 Más ball d'fhoireann na scoile é tuismitheoir/
caomhnóir an Dalta;
- 6.1.2.6 Má d'fhreastail tuismitheoir nó seantuismitheoir leis an Dalta ar an scoil (go huasmhéid 25% de na háiteanna atá ar fáil);

Ní chuirfear aon chritéir roghnúcháin nach n-áirítear sa Pholasáí Iontrála seo san áireamh agus cinneadh á dhéanamh cibé an bhfuil nó nach bhfuil Iarratasóir á ligean isteach.

6.1.3 Próiseas roghnúcháin

Cuirfidh Coláiste Ailigh an próiseas roghnúcháin i bhfeidhm mar seo a leanas:

Déantar iarratais a mheas de réir na gcritéir roghnúcháin atá foilsithe. Tairgfear áiteanna ar dtús dóibh siúd a shásaíonn an chéad chritéir. Ina dhiaidh sin, sa chás go mbíonn áiteanna fós ar fáil sa scoil, déantar na hIarratasóirí atá fanta a mheas i bhfianaise an dara critéir agus tairgfear áit do na hIarratasóirí a shásaíonn an critéir seo. Leantar ar aghaidh leis an bpróiseas seo i gcoinne na gcritéir roghnúcháin go léir go dtí go dtairgtear agus go nglactar leis na háiteanna go léir atá ar fáil.

Sa chás go mbíonn dhá iarratas nó níos mó cothrom le chéile sa phróiseas roghnúcháin thuasluaite, cuirfidh Coláiste Ailigh crannchur randamach ar bun chun aon áiteanna atá ar fáil sa scoil, nó ar an liosta feithimh, a dháileadh ar na hiarratais sin.

6.1.4 Iarratais dhéanacha

Meastar gur iarratas déanach é iarratas a fhaigheann Coláiste Ailigh i ndiaidh an dáta deiridh a d'fhoilsigh Coláiste Ailigh agus a bhí leagtha amach san Fhógra Iontrála, chun críocha an Pholasaí Iontrála seo.

Sa chás go mbíonn ró-iarratas ar Choláiste Ailigh agus go bhfaigheann sé iarratas déanach ar iontráil, gheobhaidh an t-iarratas sin áit ar an liosta feithimh i ndiaidh na nIarratasóirí a bhfuair an scoil a n-iarratais roimh an dáta deiridh d'iarrataí, is cuma aon chritéir roghnúcháin a d'fhéadfaí a chur i bhfiedhm maidir le hiarratais a fuarthas roimh an spriocdháta d'iarratais. Cuirfear iarratais dhéanacha dá leithéid sin ar liosta feithimh de réir an dáta agus an ama a fuair an scoil iad, faoi réir ailt 4.7. Chun mearbhall a sheachaint, ní bhaineann critéir roghnúcháin le hiarratais dhéanacha, agus ní chuirfear i bhfeidhm iad.

Sa chás nach bhfuil ró-iarratas ar Choláiste Ailigh, .i. nach bhfuil liosta feithimh ann, agus go bhfaigheann sí iarratas déanach, tairgfear áit i gColáiste Ailigh don Dalta atá ag lorg iontrála, faoi réir ailt 4.7 agus baineann an próiseas céanna le hIarratasóirí a bhfuarthas a n-iarratais roimh an dáta deiridh, .i. eiseofar Foirm Ghlactha chuig an Iarratasóir agus beidh sí le comhlánú agus le cur ar ais chuig an scoil laistigh de choicís ón dáta ar eisíodh í.

6.1.5 Tairiscintí ar áit sa dara/tríú babhta

Sa chás go mbíonn tairiscint ar áit i gColáiste Ailigh ag Dalta ach nach nglacann sé/sí léi, nó go dtarraingíonn an scoil siar í de réir chionníollacha ábhartha an Pholasaí seo, tairgfear an áit don chéad Dalta eile ar an liosta feithimh sa dara babhta de thairiscintí. Leanfaidh an próiseas seo ar aghaidh go dtí an tríú babhta agus an ceathrú babhta *srl.* go dtí go líonfar gach áit sa scoil.

6.1.6 Glacadh le háit

Má thairgtear áit don Dalta a ndearnadh iarratas thar a c(h)eann, eiseoidh an scoil Foirm Ghlactha chuig an Iarratasóir.

Cuirfidh an tIarratasóir in iúl go bhfuil sé/sí ag glacadh leis an tairiscint ach an Fhoirm Ghlactha a chomhlánú agus a chur ar ais chuig an scoil faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist. Mar chuid de seo, ní mór a chur in iúl cé acu an bhfuil nó nach bhfuil iarratas déanta aige/aici ar scoil eile, agus an bhfuil nó nach bhfuil sé/sí ag fanacht ar thairiscint iontrála ó scoil eile.

Mura gcomhlánaítear an Fhoirm Ghlactha agus mura gcuirtear ar ais chuig an scoil í faoin dáta a leagtar amach i bhFógra Iontrála na Scoile, nó laistigh de choicís ón uair a d'eisigh an scoil í más iarratas déanach nó tairiscint sa dara/tríú babhta atá i gceist, d'fhéadfadh go dtarraingeofaí an tairiscint siar, i gcomhréir leis na forais a leagtar amach thíos maidir le tairiscint a tharraingt siar.

6.1.7 Diúltú:

Sa chás nach dtairgtear áit sa scoil do Dhalta a bhfuil iarratas á dhéanamh thar a c(h)eann, cuirfead an méid seo a leanas ar fáil don Iarratasóir i scríbhinn:

6.1.7.1. Na cúiseanna nár tairgeadh áit i gColáiste Ailigh don Dalta;

6.1.7.2. Sonraí faoi rangú an Dalta de réir na gcritéar roghnúcháin atá foilsithe, má tá ró-iarratas ar an bhlianghrúpa ar a bhfuil an tIarratasóir ag déanamh iarratais;

6.1.7.3. Sonraí faoi áit an Dalta ar an liosta feithimh, más bainteach; agus

6.1.7.4. Sonraí faoin gceart atá ag an Iarratasóir achomharc a dhéanamh faoin chinneadh.

Chomh maith leis na coinníollacha maidir le hiarratas a mheas mar a leagtar amach i 4.7, ní féidir tairiscint iontrála a dhéanamh sa chás:

6.1.7.5. Go bhfuil an t-eolas atá san iarratas bréagach nó míthreorach ó thaobh ábhair de.

6.1.8 Tairiscint a tharraingt siar

D'fhéadfaí tairiscint iontrála a tharraingt siar sna cásanna seo a leanas:

- 6.1.8.1. Tá an t-eolas atá san iarratas bréagach nó míthreorach ó thaobh ábhair de, nó
- 6.1.8.2. Teipeann ar an Iarratasóir a dheimhniú go bhfuil sé/sí ag glacadh leis an tairiscint iontrála ar an dáta nó roimh an dáta a leagtar amach i bhFógra Iontrála na scoile don bhliain acadúil lena mbaineann a (h)iarratas, nó más iarratas déanach, nó tairiscint sa dara/tríú babhta atá i gceist, laistigh de choicís, nó
- 6.1.8.3. Níor chuir an tIarratasóir in iúl:
 - (i) cé acu an bhfuil nó nach bhfuil iarratas déanta aige/aici ar scoil(eanna) eile agus é/í ag fanacht ar dheimhniú tairisceana ó scoil(eanna) eile, agus más amhlaidh atá, sonraí na scoile(eanna); agus
 - (ii) cé acu ar ghlac nó nár ghlac sé/sí le tairiscint iontrála ó scoil(eanna) eile agus má ghlac, sonraí na tairisceana/na dtairiscintí sin.

Má dhéanann an scoil tairiscint ar áit a tharraingt siar, caillfidh an Dalta a ndearnadh an t-iarratas thar a c(h)eann a (h)áit don bhliain acadúil sin (agus ní chuirfear an liosta feithimh é/í). Má tá áit fós ag teastáil ón Iarratasóir don bhliain acadúil sin, ní mór iarratas nua a dhéantar thar ceann an Dalta sin don bhliain acadúil chéanna agus mar iarratais dhéanacha de réir alt 6.1.4 thuas.

6.1.9 Achomhairc

Féach alt 6.3 chun teacht ar eolas maidir leis an gceart atá ag Iarratasóir achomharc a dhéanamh ar chinneadh Choláiste Ailigh maidir le hiontráil i mbliainghrúpa seachas Grúpa na Chéad Bhliana.

6.2 ACHOMHAIRC

6.2.1 **Achomharc sa chás gur bhain an diúltú le ró-iarratas**

Ní mór d'iarratasóir ar diúltaíodh iontráil dó/di toisc go raibh ró-iarratas ar an scoil agus ar mian leis/léi achomharc a dhéanamh i gcoinne an chinnidh seo a iarraidh i dtosach go ndéanann an bord bainistíochta athbhreithniú i scríbhinn, trí 'Foirm BOMR1', atá ar fáil ó oifig na scoile agus ar láithreán gréasáin na scoile, chun go ndéanfadh bord bainistíochta Coláiste Ailigh athbhreithniú uirthi. Ní mór don Iarratasóir an t-athbhreithniú sin a lorg laistigh d'fhiche a haon lá féilire ó fuair an tIarratasóir cinneadh na scoile diúltú dá (h)iontráil sa scoil. Má shonraíonn an tAire Oideachais tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin. Ba cheart Foirmeacha líonta BOMR1 a sheoladh chuig oifig na scoile nó ar líne trí ríomhphost a sheoladh colaisteailigh@donegaletb.ie.

Mura mbíonn Iarratasóir sásta le cinneadh an bhoird bainistíochta, nó mura mbíonn an bord bainistíochta in ann athbhreithniú a dhéanamh ar an chinneadh chun diúltú d'iontráil, féadfaidh an tIarratasóir achomharc a dhéanamh os comhair Coiste Achomhairc a bhunaigh an tAire Oideachais agus Scileanna faoi alt 29A den Acht Oideachais 1998. Caithfear achomhairc a dhéanamh i scríbhinn ar 'Foirm Achomhairc Alt 29' agus caithfear iad a sheoladh chuig Aonad Riaracháin Achomhairc Alt 29 sa Roinn Oideachais. Is féidir 'Foirm Achomhairc Alt 29' a íoslódáil ó láithreán gréasáin na Roinne nó is féidir é a fháil go díreach ón Aonad Riaracháin Achomhairc Alt 29 sa Roinn Oideachais. Tá sonraí teagmhála don Aonad ar fáil ar láithreán gréasáin na Roinne. De réir *'Nósanna Imeachta éisteachta agus cinnidh achomharc faoi alt 29'*, ní féidir achomharc den saghas sin a dhéanamh go dtí go bhfuil comhfhreagras faighte ag an Iarratasóir ón mbord bainistíochta maidir leis an athbhreithniú, nó go dtí go bhfuil 42 lá féilire éagtha ón dáta a rinneadh an diúltú tosaigh agus ní féidir achomharc a dhéanamh níos déanaí ná 63 lá féilire i ndiaidh an chinnidh tosaigh chun cead isteach a dhiúltú.

6.2.2 Achomharc sa chás gur bhain an diúltú le cúis eile seachas ró-iarratas

Féadfaidh Iarratasóir ar diúltaíodh iontráil i g Coláiste Ailigh dó/di ar chúis nach mbaineann le ró-iarratas a bheith ar an scoil agus ar mian leis/léi achomharc a dhéanamh i gcoinne an chinnidh seo, a iarraidh go ndéanfaidh an bord bainistíochta athbhreithniú i dtosach, trí ‘Foirm BOMR1’, atá ar fáil ó oifig na scoile nó ar láithreán gréasáin na scoile, a chomhlánú chun go ndéanfaidh bord bainistíochta Coláiste Ailigh athbhreithniú uirthi. Ní mór don Iarratasóir an t-athbhreithniú sin a lorg laistigh d’fhiche a haon lá féilire ó chinneadh na scoile diúltú dá (h)iontráil sa scoil. Má shonraíonn an tAire Oideachais agus Scileanna tréimhse ama dhifriúil chun achomharc dá leithéid a dhéanamh, áfach, is aige sin a bheidh feidhm ina ionad sin. Ba cheart Foirmeacha líonta BOMR1 a sheoladh chuig oifig na scoile nó ar líne trí ríomhphost a sheoladh chuig colaisteailigh@donegaletb.ie. (Is féidir le hiarratasóir iarraidh ar athbhreithniú a aistarraingt at aon tráth sula dtabharfar an t-athbhreithniú chun críche tríd é sin a chur in iúl don bhord bainistíochta i scríbhinn.)

De rogha air sin, féadfaidh sé/sí cinneadh a dhéanamh achomharc a dhéanamh os comhair coiste achomhairc a bhunaigh an tAire Oideachais agus Scileanna faoi acht 29A den Acht Oideachais 1998. Caithfear achomhairc a dhéanamh i scríbhinn ar ‘Foirm Achomhairc Alt 29’ agus caithfear iad a sheoladh chuig Aonad Riaracháin Achomhairc Alt 29 sa Roinn Oideachais. Is féidir ‘Foirm Achomhairc Alt 29’ a íoslódáil ó láithreán gréasáin na Roinne nó is féidir é a fháil go díreach ón Aonad Riaracháin Achomhairc Alt 29 sa Roinn Oideachais. Tá sonraí teagmhála don Aonad ar fáil ar láithreán gréasáin na Roinne. De réir *‘Nósanna Imeachta éisteachta agus cinnidh achomharc faoi alt 29’*, ní féidir achomharc den saghas sin a dhéanamh níos déanaí ná 63 lá féilire i ndiaidh an chinnidh thosaigh chun cead isteach a dhiúltú.

Mura mbíonn Iarratasóir, a lorgaíonn go ndéanann an bord bainistíochta athbhreithniú, sásta le cinneadh an bhoird bainistíochta, féadfaidh an tIarratasóir sin iarratas a dhéanamh chun achomharc a dhéanamh os comhair coiste achomhairc a bhunaigh an tAire Oideachais faoi alt 29A den Acht Oideachais 1998 freisin, faoi mar a dtugtar cuntas air san alt deireanach.

6.2.3 Bunús le haghaidh athbhreithnithe ag an Bhord Bainistíochta:

Faoi mar a éilítear in alt 29C(2) den Acht Oideachais 1998, ní mór aon iarraidh go ndéanann an bord bainistíochta athbhreithniú ar chinneadh a rinne an scoil chun cead isteach a dhiúltú a bheith bunaithe ar chur i bhfeidhm an Pholasaí Iontrála seo agus ar ábhar Fhógra Iontrála na scoile agus ní mór go leagfaí na forais a bhaineann leis an iarratas ar athbhreithniú ar an chinneadh amach ann.